



南齋先生魏文靖公摘稿卷之九

後集

寧國縣知縣前纂修國史鴻臚寺序班男完編次
通奉大夫福建布政使司左布政使孫壻洪鐘校摘

律詩

立祠堂碑

圓蓋方趺古制存
巍屹立壯寒門銀鈎鐵畫尚書筆
周誥商盤少保文世系綿
昭祖禰家規歷重頻繁
赤刀大訓期同調
珎惜無窮在子孫

夜坐述懷

竹下風清暑退時
繩床高據思逢道
逢世泰心逾樂

官得身閑力任衰，兩過不嫌涼意早。秋深殊覺大星移，
無眠坐徹三更漏。燈火書聲有兩兒。

用許太常韻送沈環之任蕪庠貳教

榮捧除書出建章，一官誰憚客途長。已誇脫白從春榜，
尤喜娛親入故鄉。絳帳好摠經史富，清時須擬姓名香。
藿鹽此去能甘守，不異高居入廟廊。

和荅韓蘊夫韻

峽山清隱似商顏，桑梓優游日往還。共擬有時膺鷄薦，
誰言無夢入鴛班。慶源越上來先代，相業河東仰故山。
百世高堂存畫錦，公侯伊始出循環。

次太常卿許道中所寄韻

掛籍金門辱誤留，一生何敢夢刀州。倏承優詔來天上，
便買歸帆向石頭。舊約青山欣已遂，新詩知己媿難酬。
誰知老眼看書處，時把疎簾向日鉤。

寫懷

樂珪疏圃舊園田，解組歸來已半年。不厭藿鹽成老計，
欲全清白遂家傳。窓涵綠野衡茅下，門擁青山夕照邊。
藜突鼎鼐渾不到，謳歌長日戴堯天。

雪舫

江湖來往任長風，滿載蘆花狎釣翁。玉氣網緼涵璧月，

虹光煜燁貫瑤空蒼茫雲水浮漚外混沌乾坤未剖中
一點罽塵渾不染子猷高興更誰同

慰陶憲副死節

普天六子土戴 皇明螻蟻狐狸忽弄兵報國只期當殄
賊臨危何敢更偷生精忠貫日鳴昭代浩氣凌雲薄太
清聞說蘭溪嚴廟貌欲伸尸祝慰英靈

和劉僉憲克彥越城吊古

萬壑千岩壯越關無邊光景足消閑林梢截嶺雲雨寺
天末蒼茫蜀阜山禹穴雲深銷欵際蘭亭苔沒無間
四郊却喜豺狼息不惜高歌日暮還

秦望我_七接舜立姚江東逝日悠_七高臺霸業傷淪沒
曲水流觴憶倡酬會計猶存神禹蹟登臨不負子長遊
青驄緩策歸途晚一嘯風生萬壑秋

辛未歲暮述懷

布韞青鞵雪滿顛休官林下愜閒居心無俗系身無恙
爐有清香案有書山色猶蒼雲散後梅香入座雪晴初
却慙坐享昇平樂屈指將來歲又除

新正試筆

篆籀清芬燭吐輝白頭不負故園歸霞觴滿引新筍醪
宮錦還穿舊賜衣純膝兒孫殊戀_七猶簷松竹更依_七

坐來溢目春如海
靜閣閑雲自在飛

新正四日記雪

屑玉裁冰下九天
三農殊喜兆豐年
寒消畫閣紅爐暖
色映瑤階玉樹鮮
瑟上聲來叢竹裏
紛上花散落梅邊
絕誇瑞應當三白
却在新春五日前

卜得樂丘詠以紀其勝

眼到何煩地理師
樂丘卜此更何疑
風箴氣聚岡巒合
土厚泉深草樹滋
巨栢長松猶祭戟
重湖複嶺若城池
先坐咫尺雲飛處
送目尤堪寓孝思

青山繞屋水連天
風景依稀似輞川
合塢數家通曲徑

當門三熟盡腴田
日斜樵弛林邊擔
月出漁歸湖上船
不媿誅茅成老計
教兒耕讀遂餘年

哭吏部戴郎中廷美

血汗龍駒不易尋
康衢馳驟正駸上
膏肓豈料攻無藥
勲業何堪負此心
自合銘章題國老
也應哀些動詞林
輶車南駕東風裏
老我偏多淚滿襟

春暮雨雪不止

天上歸來髮已華
齋居愁對雨如麻
泥深徑有相過客
寒劇庭無可看花
傍砌穹簷飛急溜
循墻古木噪殘鴉
消搖鎮日惟清咏
捐拙頻燒只煮茶

又雨

一春長日雨冥冥老我愁看髮轉星
溝洫頓驚為巨浸來牟難卜擬西成
陰霾作霧穿簾入寒氣凌人竟夕生
燕語鶯啼成寂寞園林誰作者花行

德星圖為陳憲使賦

二姓通家夙有年闔門茲夕遂清筵
才華共喜婦名關星象誰期應上天
燭換太玄經已校茶香石鼎句初聯
仲弓賢胤詢遺迹繪入緗縑百世傳

和王博士希稷見寄韻

喬遷詞苑又南歸知得賢關倍有輝
愧我衰遲林下老

多君英特眼前稀是非轆轤欣無預
日月光華愜所依惟想講餘馳念處
白雲千里望庭闈

哭周學士功敘

一代才華衆所推文章曾屬我先知
科名已遂蹇騰志廊廟何孤遠大期
筆陣千軍嗟遽歿詞源三峽痛難追
老子青眼惟君望門下于今更有誰

挽贈工部尚書王永和死節虜地

點虜跳梁犯逆天岩廊投筆事戈鋌
先驅誓擬生擒敵竟力誰期死向邊
大節九重昭寵贈芳名千古著華編
我陳哀此伸知己却羨諸郎接武賢

喜邑庠東西二齋修建有成

雕梁彩棟擁華楹感激賢侯不易為綠水繞門堪洗硯
青山入座可題詩牕虛暑退涼生日几淨宵長月上時
雅稱明師與良友切磋經史正相宜

厚謝布政廷輔過樂丘賦此以荅

穿崖度壑更捫蘿感刻深情不憚過展席松龕同草具
班荆苔石共陽坡競誇榮戟儀容盛能使小林氣象多
有約重臨如不負來春日已候岩阿

壬申歲除夕

屠酥爆竹助清歡迓却初正款歲闌鶴筭又知添海屋

瓊漿還憶賜金鑾香銷寶鴨人無寐漏滴銅龍夜不寒
預勘明年消息理燈花先喜報平安

和仲約何廣文見寄韻

誰似閒居樂故鄉青鞋布鞵髮如霜惟甘淡泊澆茅屋
不羨聲名到玉堂萬事浮雲忘入念一經賢胤喜傳芳
為言老去休彈鋏世業猶存書滿床

落匕才華重一鄉甘於冰檠度星霜羹藜若預瓊林席
屋部猶居政事堂圖史心潛迹畫永功名時邁憶年芳
知心或過同消散吟徹清宵月到床

湖上寫懷

推蓬底卧看山未信休官有此閑思逼層霄埃壙表
詩成高枕水雲閑船頭涼雨疏還密湖面輕鷗去復還
却喜餘年尚強健追歡應不往來慳

七月一日雨後晚步林下寫懷

雨足新秋晚倍涼清泉白石任徜徉誰期此樂歸餘齒
殊感深恩出 聖皇雲淨西山虹影斷風過南畝稻花
香新詩吟得歸來候野迤迤上未夕陽

輓兵部徐尚書良玉

才華能武更能文生際昌辰迴技群百萬貔貅參上將
三千禮樂對 明君故山已逐藏華觀卹典終膺表異

勲我念相知見無日含哀空洒淚紛

癸酉立秋日放舟湖上將抵樂丘觸景偶成

漾上平湖起曉風推蓬隨處趣無窮金花炫日波心荇
鐵幹昂霄石上松挾翅迴翔過水鶴輟耕奔逸走田翁
故人白髮猶天表此樂何當過我同故人謂王少傳直

癸酉除夕

老去歸田自玉壘一丘一壑遂幽期且無女嫁男婚債
正值身安道泰時酒挹椒漿春滌上燈銷絳蠟夜邊上
昇平又喜來新歲壽樂椿年也自宜

忠勤堂為趙駙馬賦

胡虜孤恩忽寇邊中華孰不憤腥羶欲誅狡兎窮三窟
便述封章達九天救氣頌令吞紫塞奇勲行擬貌凌
烟忠勤此日褒宸翰燁上榮光百世傳

翠寒亭

天姥東頭碧澗阿翬飛跋立莫蹉跎觚稜隱上衝霄漢
窻戶陰上隱薜蘿細帙潤分松雨細荷衣涼沁竹風多
憑高我欲觀滄海躡屐行當試一過

四月十三日過樂丘

菟裘不憚費經營積歲工夫漸有成山勢排空增峭拔
泉流漱玉轉琮瑋綠松周道如弦直入望平湖若鑑明

最喜錢唐連地脉白雲飛處是先塋

寄謝致仕鄭郎中病中以枳朮丸見惠有效

氣息奄上嬾下床香銷栢子日偏長養生已悔乖真訣
愈病何辭覓異方漸喜十全收枳朮不愁二豎匿膏肓
故人軫念無由晤強起含情對夕陽

同夏方伯遊樂丘

山明川麗擬蓬壺風致天然實奧區綉嶺長松高插漢
石橋流水曲通湖先塋接壤雲堪望別墅穿雲路不紆
方伯為言真吉地佳城千古上無虞

過樂丘書事

布襪青鞋兩鬢霜杖藜殊愜好風光清泉繞屋來深澗
紅葉當門炫夕陽甕出舊醅成小酌厨饋新穀試初嘗
却慙執掌趨南北樂矣何如返故鄉

挽鄭通判克剛

莫道相知自小年蓬萊何事遽登仙芹宮聽雨思聯榻
潞水朝天憶共船華屋春風塵舊扁佳城宿草翳新阡
欲詢駁歷難磨蹟翠琰昭仁有墓鐫

雨晴訪學中三廣文弗值

相思幾度謁芹宮何事睽離不易逢遠屋雲山來遠近
緣堦風葉墮青紅豈無令弟延情話亦有諸郎肅禮容

不似王猷訪安道空回寒夜雪濛濛

聞駱溪園預修郡志

一統輿圖志欲修榮膺羅致出旁求深衣大帶來空谷
博識宏辭異俗流人物賢愚歸慎取山川險易入冥搜
兩春弗獲聆清話筆削功成可過不

冬深風雨中曉覺書懷

寒宵風雨任鼾眠却憶官居十載前萬里雪深猶走馬
五更泥滑每朝天兢仁章奏敷舟陸歷仁旬宣抵極邊
不是皇恩賜優詔如何今日老林泉

寄大理丞仰公瞻

同叨簡畀出非常民瘼分巡共朔方
宸翰玉階承
鳳敕官靈光祿賜瓊漿沃焦絕禱回枯雨作孽仍驅蝕
稼蝗今日歸來老林下
天恩均感樂江鄉

寄四明張僉都式之

勇退中流出禁林名鄉山水足幽尋
尊鱸已適還家興
雨露長懷報國心花暖琴尊延淑景
雨晴桑梓踏清陰
朝風弄月唐人調吟詠懸知覓賞音

甲戌除夕

優游泉石又新年獨喜恩湛雨露偏
二品聲華叨過望
五朝操履賴無憊青編元棟詩書在
白髮齊眉伉儷全

繞膝兒孫聚稱慶有興還候往朝
天

乙亥元日試筆

序屬青陽換物華乾坤生意即無涯
雲收瑞藹飛香翠
雪盡晴曦散彩霞已許呼童挑蕪甲
還宜引鶴問梅花
晚來兀坐饒清興吟對紅爐更煮茶

新正燈下偶成

九十相將髮轉華春來觸目趣偏佳
閑庭方拜新頒曆
寶軸重開舊賜麻興至娛閑惟索句
客過迤語只烹茶
却思北轍南轅日此樂燈前豈浪誇

春陰連日以阻樂立之行

經旬庭戶幕層陰寒逼虛堂坐擁衾欲訪疎梅妨遠步
為督孤悶只閑吟棲遲且適田園趣休咎難窺天地心最
怪松根泥滑上樂丘遙阻暮雲深

南園問梅

屈指陽生兩月過南枝猶未著疎花枯依敗柳循簷立
瘦倚蕭牆近竹斜未許暗香淹谷口還期清影上窓紗
何緣得似西湖曲開遍林逋處士家

迎春日和荅何舜賓韻

蕭鼓家上迓早春衡門獨掩一閑身藜鹽甘分年方茂
經史留心業正新陋巷頓希顏子樂窮途不與阮生倫

胸藏十二王通策將獻 彤庭輔 聖仁

寫懷簡南京詩社諸君子

燈紅酒綠夜深時白首田園樂自宜漏永不妨延坐久
泥深無慮入朝遲香來窗外梅舒雪花落簷端雨散絲
那得諸君能縮地連床茲夕話襟期

二月初六日喜晴忽學中諸師友見過

一春風景近花朝喜却遙空宿靄消牕外疎梅開老樹
簷前新柳弄柔條不愁深巷泥黏屐還喜清溪水下橋
靈鷲啼上噪無已嘉賓相過不須招

寄陳祭酒

千里歸來自玉京，遙聞羊度轉精明。程朱行檢逾修飭，
班馬文章倍老成。兩鬓秋霜知共白，一心寒水喜同清。
扁舟欲訪慈溪上，重理琴尊續舊盟。

夏日書懷

林屋慚非綠野堂，安居惟喜老江鄉。一天風雨黃梅熟，
九夏光陰白晝長。倚杖溪頭看把釣，携孫陌上課栽秧。
却思往事如春夢，孤負平生半世忙。

和張式之僉都見寄韻

才藻清時正有為，不堪塵世苦多岐。青蠅玷玉誰揮霍，
大器存心自坦夷。尼父行藏惟堯命，少陵忠誼只憑詩。

故鄉山水始遊釣，會見徵書出鳳墀。

乙亥又六月九日過樂丘

彷彿知章住鑑湖，青山繞屋樹扶疎。磯頭舉網魚頻得，
竹下開懷酒任沽。隱迹豈為三窟計，沒身終遂百年圖。
怡顏愛植青松樹，不惜乘閒手自鋤。

欲登北幹山未果何日子咏其景

望邑名山聳碧霄，白頭重過興偏饒。千村環堵高低屋，
一帶長江早晚潮。玄度跡存猶可吊，子胥魂遠若為招。
登臨莫起興亡嘆，且醉浮生一酒瓢。

樂丘移松有成

循堦移植破荒苔，個上期成梁棟材。異日若容輕剪伐，
茲辰奚用苦栽培。聲來碧落風生席，影落晴霄月滿臺。
聳壑昂霄堪計日，貞姿不獨產徂徠。

七月十六日過樂丘

翠水丹山事上幽，老來不負作菟裘。循簷曲上清溪繞，
逼砌重上綠樹稠。草盡松間宜步屐，荷香湖上可移舟。
老子自覺能知足，何必蓬瀛與十洲。

寄湛太守禮

薰上門巷愜閒居，白髮黃堂廣海湄。絕跡竟疎名與利，
忘情不計是和非。堦陰碧草滋新雨，籬落黃花吐夕暉。

終始一生冰蘖操，老子殊覺眼中稀。

郊行用過樂丘韻

風輕雲淡適吾天，仰止高山子在川。已喜清吟摸景物，
可忘閒步樂田園。日斜目送投林翮，月上心怡罷釣船。
却感驅馳王事日，紅塵陌裏度芳年。

題梅

陽回先發向南枝，個上疎花特逞奇。暗馥不容蜂蝶採，
貞姿偏耐雪霜欺。山抹標格期誰問，鍊石心腸喜獨知。
只待春深垂好實，摘調商鼎在斯時。

雪夜寫懷

南齊雜詩卷九 三
蕭條風景迫殘年
竟夕紛雪滿天
已兆明年秋有望
却嗟隣屋灶無烟
寒深徑絕尋梅屐
最凍合溪回訪戴船
老我不眠煨楮拙
長吟贏得思如泉

乙亥除夕

堯天舜日遂閑居
又喜今宵屬歲除
栢酒開尊隨量酌
桃符濡筆任情書
梅花吐白春回漸
燭影搖紅雪霽初
統膝兒孫聚家慶
一團和氣藹門閭

丙子新正試筆

林屋間居喜日長
年將九十鬢如霜
霞觴漱灑新春酒
雪島氤氳異域香
松竹當窗娛晚節
兒孫繞膝慰中腸

細推出處慚無補
感蒙君恩可暫忘

丙子夜雨中寫懷

縣樓遙聽鼓三過
窓外淅淅雨似麻
功業驅馳渾是夢
田園蕪穢未成家
一半又惜春將半
九表何慙鬢轉華
老病漸知當勿藥
晴來還許看梅花

不寐寫懷

輕寒輕暖早春天
欹枕匡床夜不眠
石鼎火溫茶灑上
竹窗雲淨月娟娟
百年自嘆身猶寄
諸子誰知業未傳
暗數清明佳節近
灑岡須擬去尋阡

過樂丘

湖光山色快登臨得趣何勞酒滿斟只藉良辰酬暮景
不教塵務累閒心先望江外馳情遠上國天邊入望
深平步何須靈運屐更扶藜杖入松陰
紅白荷花錦繡堆絲上涼雨拂炎埃兩山列翠蒼此舞
一水涵空寶鑑開樹接浣紗西子石煙籠也成越王臺
探奇吊古無窮趣老我何妨只往迴

謝曹尚書惠扇

衡門酷熱苦無聊入手涼生鬢動搖蕉拆素封和露展
櫛摧霜葉任風飄蛟雷聒夜瀉息者氣侵人藉滌消
惠辱故人何以報探囊殊媿之瓊瑤

酷暑中夜坐偶成時久旱喜拜寬恤

鎮日南齋苦熒焚追涼移席坐黃昏光侵梁几當弦月
潤襲絺袍出岫雲正苦窮鄉膺久旱却逢明主降寬
恩清吟輾轉渾無寐譙鼓聽來夜未分

懷錙師邵徵士

經年不辱枉林丘日上相思又早秋已喜才猷膺薦達
却疑琴劍尚淹留文章錦繡追前哲踪跡江湖愜壯遊
坎止流行緣有命可曾消息細推求

丙子歲水旱農感師巫誑誘賦此勉之

村上水旱已罹愆人有獸為可勝天須斥師巫駟邪說

當知衣食在良田晨昏碌上能無倦禾黍油上定有年
務本由來男子事休令寒餓使人憐

八月一日喜雨

天瓢忽瀉落簷端殊慰編氓苦旱乾萬頃郊園回奉
千村溝洫轉漫上扁舟湖上堪垂釣短策林邊可看山
給足公私擬豐歲閑居先許老懷寬

八月十六日過西莊寓興

行上去郭入江鄉竹樹陰森護草堂高下良疇繁黍稼
綠坡芳草茁牛羊青山排闥來齒境綠水平湖接壽巖
老我休官遂耕牧應教人擬午橋莊

南齋寓興

天上歸來嬾出門窮鄉惟守舊田園
窓開注目山當立客至娛情酒滿尊
覓句杖藜過綠野看書燒燭坐黃昏
誰知更有天倫樂鄰下嬉上子與孫

丙子九月廿八日夜坐不寐寫懷

蕭上落木暮秋天聽雨聽風思惘然
已喜康強安晚節誰期衣食窘衰年
兼旬不退平堤水粒米無收負郭田
國賦將虧民用乏老子贏得夜無眠

景泰丙子小至夜坐書懷時拜 寬恤之詔

雨雪霏上夜坐深匡床不寐思難禁
凶荒正憶疲民困

寬恤殊知 聖主心紙帳寒侵風淅淅 銅龍凍澁漏沉
沉明朝却喜迎長至陰極陽生又自今

丙子至日喜晴書事時拜 優恤

陰極陽生喜自今熙熙晴日上遙岑 九天寶勅來恩
命兩浙疲民活歲侵窓外漸開梅可嗅床頭新熟酒堪
斟老子把筆書祥處識得循環造化心

雨雪中懷何舜賓

卓犖才華衆所推經旬雨雪動人思排雲不是身無術
得意何當自有時三策稿成還欲獻五言吟就不成炊
懸知恪守甘冰檠坎止流行更屬誰

雪中

釀就同雲竟日飛寒增密室逗書情愛吟自覺詩情減
不飲從知酒力微胷玉篩瓊理碧砌穿梅入竹颺斜暉
惟嗟澤國春來近阻却賓鴻塞北歸

丙子十二月廿九日過樂丘

狐裘貂帽曉衝寒獨駕籃輿入萬山春霽梅林花冉冉
烟收苔徑石斑斑湖吞積水平於鏡澗走流泉曲似環
願結茅廬松竹裏棲遲容我老身閑

丙子除夕書懷

高烧銀燭夜遲上却憶 彤庭予告時 勅拜九重頒

綺席言叨諸老惠新詩歸來殊得優游樂老去虛懷補報
私明日又逢新歲月白頭惟只頌雍熙

丁丑元日即事

一堂和氣藹清遊老穉欣上得自然門易挑符知改歲
孟傳柏酒重祈年呈妍梅竹當窓外弄綵兒孫繞膝前
最喜河清蕪海晏謳歌鼓腹戴堯天

元夜書懷

萬國昇平喜一家今宵宜慶好年華尊中酒有新春釀
席上燈無昨夜花頭白辭榮千載遇恩深回首五雲
餘願子林下身康健何必尋仙服紫霞

立春祀始祖

必芳牲醴謹成規男女衣冠肅令儀為憶始遷隆世業
可忘裡享表時思音容陟降春初到禮度雍容日正遲
長願子孫知所自年上芹藻答鴻禧

元宵

月華星彩徹深更况味今宵覺倍清窓外名花梅任折
甕頭新釀酒隨傾燈燃畫閣春無際凍釋銅壺漏有聲
城柝不聞知弛禁六街簫鼓慶昇平

張都院以樂立十咏見寄賦此為謝

雲樹相望嘆別離才華宜我起遐思五朝宦業聞南

北一代詩名邁等夷
戀闕每懷匡世策
娛閒長近讀
惟樂丘十咏
真珠玉字上
唐人更許誰

閒居憶往年
持節策封慶
府途中所歷之况
錕鉦鼓一齊
鳴貂帽孤裘
逼曉行
敗屋頽垣
感戍堡
黃沙白草
歇轅城
荷樹橫
梁綠
防寇冒雪衝
風為促程
何似今朝
林屋下
田園兒女
造閒情

又憶任侍郎奉 敕巡撫京畿所歷之况

同雲罽履渺無邊
去上征途雪滿天
河上寒流漸欲凍
道傍茅屋灶無烟
江南桑梓家何在
塞北關山馬不前
主困僕勞竟若斷
宦遊誰說似登仙

丁丑清明錢唐先塋以雨阻命兒賓代汛掃
四百年來祖與宗
雲仍重拜又成翁
鸞翔鳳翥參天竹
聳壑昂霄合抱松
風氣融上何所似
子孫蟄上幾家同
都由世澤來深厚
如斧如堂等華嵩

寫懷

老至思歸喜得歸
上來仍戀芰荷衣
綠知富貴非吾有
遂得優游與世違
峻秩當時叨 聖擢
清班長日想 彤闈
太平又喜從天順
日上萬呼向紫微

南齋寓懷

柴門石徑斷紅塵
老去何妨只任真
安分不陳希世策

看花甘作負春人高車駟馬寧非夢淡飯黃齏豈是貧
惟感天恩深似海林居容我樂閒身

丁丑端午寫懷家无席上賦

拚雨紛々住復飛佳辰泥濘客來稀味甘蒲醕新開甕
香襲宮羅舊賜衣草々杯盤隨量飲悠々桑梓自天歸
兄酌弟酌薰風裏此席年々願莫違

懷駱溪園

憶別丰姿又隔春無由縮地日相親讀書林下友千古
屈指閑中能幾人野鶴孤雲誰可匹玉壺秋水自無塵
採修匪懈頭如雪仁里予將老卜鄰

寄夏布政

榮承優詔出彤闈佩玉腰犀二品歸未老乞閒非負國
中流勇退屬知幾疎籬遂約栽黃菊回省無情對紫薇
感激天恩慙莫報丹心長傍五雲飛

寫懷七月十三日

禾黍西成似可期閑中又及早秋時徐行綠野從紆步
兀對青山謾索詩涼沁葛衣風淅々陰移竹戶晝遲々
聖恩欲報嗟予老一寸丹心只自知

聞北幹廟地吳越兩山亭惟有荒基感而賦此
將軍遺廟地危岡塵滿真容黯夕陽春去秋來山點々

潮生潮落水茫茫，亭臺凋弊豪華泯。草木蕭條苑囿荒，
騁目直隨飛鳥盡。隔江樓閣是錢唐。

寄陳養浩憲僉

清筵華屋正弘開，可惜匆匆別。又催轉睫光陰星兩匝，
相思懷抱日千迴。我冠帶尊鄉井赫，聲華重憲臺。
傾刻未知何日是，樓船湖上共徘徊。

寄王太卿希仁

相知元自少年來，玉倚蕙葭媿不才。同拜闕下共承優詔入，
林隈麤白髮君尤壯。耿丹心我漸灰，安得移居與隣並。
盤桓三徑日追陪。

獨步

看水看山款上行，此身何以荅昇平。九天日月懷龍袞，
萬歲山河祝聖明。廊廟昔年曾騁步，桑榆今日豈忘情。
西城又擬饒衣食，還被堯天雨露榮。

天順元年七月廿二日夜夢東里學士楊公謂予曰：建安回時汝有詩贈我，今亦回，豈無詩乎？予諾，即賦以荅。惟記聯中有但覺文星闕下稀之句，既覺足之且公沒，今已十四年，其顏色猶見之於落月屋梁之傾寧，非平日相得有以感之耶。建安蓋福建揚學士云。

房社才猷弼 萬幾 五朝勛業著彤闈喜承

恩詔天邊去但覺文星闕下稀綠野堂深瞻日上午橋
莊晚看雲歸神仙平地人能幾還有丹心向紫微

風雨中辱通政畢公知府葉公憲魚陳公郎中
鄭公自錢唐絕江過訪既還書此為謝

濤江浩々不辭勞衝雨衝風渡早潮蓬華曷勝成狂顧
鴛班應是念同朝正期清話紆孤悶誰料挑燈僅一宵
把袂沙頭忍為別相過何日更聯鑣

秋暮寫懷

投老田園兩鬢蓬堦前黃葉又西風香杭喜熟垂新穗

幽菊驚開發舊叢世態是非歸度外詩懷暗雨遶間中
茲辰燕坐心逾水目盡飛雲送遠鴻

盤谷幽居為武進董誠齋賦

青山繞屋樹扶疎草色苔痕一迳紆金馬玉堂無姓字
錦心繡腹有詩書松根雨過苔堪斲溪面風輕鱖可漁
門絕詭囂長日掩石田時出帶經鋤

梅月軒

庭除寂々夜澄々梅有幽香月有明姑射凌寒同雅操
姮娥搗藥共長生冰花璀璨欺凡卉桂魄嬋娟徹太清
高潔相期成永好百年毋替此深情

丁丑歲暮書懷

喜逐新年送舊年，蕭蕭白髮已盈顛。
功名潦倒歸身外，兒女團圓繞膝前。
臘甕芻來浮滌，梅花折就對娟。
呼童分付明春計，于耜先耕近郭田。

和陳祭酒壽藏十八詠

壽藏卜吉其一

泉深土厚冠東南，眼底名區未許參。
安魄正宜營石擲，棲神還許備松龕。
祥光炫目凝霞彩，佳氣浮空辟瘴嵐。
最喜近家堪取適，時携酒肆清酣。

壽菴佳景

幽居何處隔塵寰，卜吉誅茅向此山。
六籍陶情消日永

一心忘勢與雲閑，松根雨足移黃獨。
堦下春融字白鷗，須識先生抱貞操。
白丁誰許扣柴關。

花嶼春雲

非烟非霧暮山，長護柴門盡日閑。
陰翳松篁來去裡，影移窓戶有無間。
曉迎旭日從龍起，晚宿茅簷載鶴還。
憶昔金門呈五色，臚傳聲裡得遙攀。

藕池涼雨

雲錦平鋪水滿塘，忽過新雨倍生涼。
盡消酷暑無炎夏，遙送清芬到葯房。
露散絲隨日永娟，娛目引杯長
撚鬚吟對微醺後，不覺詩成字字香。

龍潭顯應

一鏡潏泓近樂丘中蟠神物有蒼虬清逾揚子中冷水
深比終南炭谷湫雲歛淨涵銀漢月霜飛寒瑩玉壺秋
佳城喜卜為隣並千載令人咏不休

馬嶺獻秀

層巒疊障勢穹隆環匝佳城喜萬重聳聳參天森祭戟
青上排闥護蘆蕪擁崖端飛瀑光垂練石上凝嵐氣吐虹
欲借丹梯凌絕頂盡收殊勝翊龍從

山寺晚鐘

蒲牢何處吼斜暉蘭若岩峩接翠微入定老僧驚得悟

爛柯仙客誓忘歸煌煌浴海蟬將出點點投林鳥漸稀
正值真詮初諷罷一天花雨近人飛

塔菴晨磬

蕭上一番擅菴名味爽遙聞磬有聲祇樹枝頭驚宿鳥
叢譙樓畔雜鍾鳴疏櫺漸覺神光燦老衲應知旦氣清
喚醒狃床禪定者斯時還許下階行

松林看鶴

天末飄飄七萬里來階前長日任徘徊已踰上壽經千歲
曾駕真仙過八該鳴向晴窓聲撒漢舞過幽徑跡留苔
高年殊藉陪吟肅細閱嬾無相爾才

柳岸聞鶯

間閑忽聽柳梢鶯成鼓樓頭已罷更纔見喬遷來遠谷
又聞調舌弄新聲悠揚合調元無譜宛轉於人却有情
老我餘年賴怡悅高樓宜向我佳城

疊嶽前弁

當頭整上却如屏細測經營感地靈雄固難移千古壯
峻增不改四時青從心所欲曾無華惑世他岐浪有經
最喜佳城今卜此餘年來往樂康寧

三峯後障

一峯已障又雙峯知自扶輿淑氣鍾近俯川原羅錦繡

遠臨城郭擁芙蓉我上馬嶺山齊護渺上慈谿水盡從
不假著龜先蔽志百年何幸得相逢

原隴春麥

村深喜熟比秋成捲翠今看一望平已許老農無缺望
還期太史必書楨苑上未覩黃雲偃略上先聞錦雉鳴
殊願稔收歸萬室老子亦得慰閒情

湖田秋稼

民生粒食荷先農萬室期收祝愿同精鑿固宜先奉老
倉箱誰敢後輸公昔聞卒歲家上餒今喜綠湖處上豐
滿日昇平忻有兆從茲誰不務田功

綠筠連林

風過雅韻雜宮商
個上凌寒色愈蒼
勁節不嗟淹歲晚
高標殊訝接天長
君應憶我心如舊
我亦懷君鬢已霜
今日歸來盟不爽
羞看塵世有炎涼

翠栢擁蓋

栽分新圃碧連瑩
入望童上若蓋擎
期並榭楠支大厦
羞同莸李艷春城
堅貞不改冰霜操
優渥長霑雨露榮
願得餘年愈康健
更培松竹有寒盟

澗泉繞砌

忽聞過雨響如雷
噴雪跳珠萬壑來
派落懸崖從迤邐

流沿幽砌任紆迴
濯纓儘許探盈掬
濟渴何妨吸滿杯
我喜宦途今息鞅
也宜吟對滌塵懷

石笋當頭

奇姿共說毓金精
却詫根從厚土生
規製未應同琥珀
光燦還許類瓊瑛
茫上曠野猶人立
轟上層霄若柱擎
不是天然成壯觀
良工雖巧琢難成

戊寅元日寫懷

金猊香噴燭生花
春到寒門趣倍嘉
日上高堂森玉樹
泥融深院茁蘭芽
欣上老穉生昭代
楚上衣冠屬舊家
最喜兒孫稱慶處
斑斕絲服映流霞

寄吏部尚書抑菴王公家有行樂所曰小瀛洲
江東渭北嘆睽離日上停雲動所思
闕下聯床聽漏
處 御前同敕轉官時君當樞要辭何切我值衰頽退
却宜獨羨小瀛洲上樂無由縮地任追隨

新正之五日雨雪稍霽晚步家園是日甲子

布韞青鞋雪滿簪雪晴宜我步家林功名老去雖成夢
泉石歸來不稱心日上層崖堪遠望梅開老樹愜幽尋
上旬甲子豐年兆又荷 堯天雨露深

喜雪

綿絮絮舞值春前作瑞清時感上天四海不須憂瘴癘

三農惟藉卜豐年月明堦下光逾皎梅破溪頭色愈鮮
老我凭欄看不厭真疑郊外玉爲田

新正之六日雪霽郊行

扶藜郊外興翻上貂帽孤裘雪滿顛野岸石橋人斷跡
田家茅屋灶無烟雲深陰翳山前寺寒冱冰膠水次船
折得一枝梅在手不勝春意到閑邊

入日穀日喜晴

雪霽雲收日漸升白頭林下倍怡情蟻浮竹葉家上美
香度梅花處上清已卜郊閑無瘴癘還期木杏遂生成
謳歌擊壤聞遐邇可乏新詩紀太平

憶往年奉使西夏過唐興慶宮

列柵齊口盡啓鎬從人擅板間銀箏摩空蒼翠千尋栢
走地龍蛇萬歲藤歌舞樓空斜日掩梳粧臺地暮雲橫
龍池滉涼鳧鷖集寧不令人感廢興

過杏園唐宴進士之所傍有寺寺有塔進士題

名其上

勝槩關中許遍過風光滿目舊山河日高漣水搖銀漢
雲歛秦山擁翠螺塢倚晴空僧漸少園荒衰草杏無多
欲尋進士蒙恩跡石上題名已盡磨

立春日偶賦

白首逢春感物情甘於林下樂昇平萬年正朔尊

天順一統山河拱聖明陰谷融上咸得暖花上莢上盡
敷榮天恩又喜從今始隨處謳歌藹頌聲

閑居寫懷

老去貪閑少送迎只嫌門巷雨難晴苦吟獨愛詩長就
薄飲誰嗤酒不醒梅向窗前全吐馥蘭於堦下漸回榮
閑居正值中興運惟望人過說太平

雪中偶賦寄王景陽都憲

天上歸來近十春蕭上門巷絕凡塵林邊又喜逢新歲
眼底惟嗟上故人架上青編長作伴尊中綠酒少相親

子猷若使能乘興襟抱何妨細共論

夜坐懷賀友菊

江東渭北渺雲天
兩地相思遽十年
嘆我支南難比舊
聞君矍鑠勝於前
周情孔思懷千古
大帶深衣寄一塵
今夕題詩寫惆悵
蘭膏燃盡不成眠

昨聞鎮守太監總兵言陳憲使辭官賦此為寄

綱維風紀正
明時冰檠聲華已四馳
勇退急流中有
斷引年堅請疏無疑
哀情慳^七緣知止
大體堂^七更不
虧只恐
聖心恒簡在
玉音遙降未容辭

詠堂前鴈

北歸無計暫淹留
得傍堂堦亦自由
露宿頓忘湘浦夜
霜踈還憶塞門秋
未同黃鵠^七霄舉且脫樊籠盡日愁
鍛翻好脩從爾逝
從今須避網羅求

西山暮歸

如畫青山夕照微
經丘歷壑竟忘歸
一襟趣遠知應少
八句詩成和亦稀
且喜隣翁陪步月
還思穉子候牽衣
不勞更理公家事
笑指浮雲款^七飛

陳尚銘能葬親詩以旌之

力挽雙親一窶^七歲
佳兒純孝不尋常
買山汲^七方傾橐
啓殯皇^七又倒囊
匝隴徧圍松樹^七
猶封還護柏行^七

絕憐汎掃清明日踞地呼天幾斷腸

劉師邵王希默自越城見過臨別索詩

懷瑜握瑾藹清芬翰勒金庭好子孫楚上丰儀頻入夢
蕭上風雨忽過門校書文派何曾泯內史家聲又喜存
惆悵河梁復相別老年襟抱共誰論

有感

桃花落盡柳花飛燕子空梁應社歸歲月難留人漸老
田園雖理計全非不圖世業逾前好只恐家聲比舊微
惆悵南齋坐終日青山贏得伴斜暉

喜吳僉事於予宋邑令楊先生祠行香

萬古流芳宇宙間不徒遺愛在蕭山道傳千載開來學
義辦三經斥大姦祀缺孔庭期建白祠荒越嶠孰躋攀
幸逢典憲行殊禮始覺吾儕免厚顏

五月一日晚晴閒步

老農歌裏雨新晴曳杖春深款上行萬疊好山隨處湧
一川新漲與堤平青上柳線牽風舞短上蒲芽貼岸生
二麥如雲收喜盡無人不說比西成

懷錢唐先壘

巍上文筆對南峯匝隴蚪蟠合抱松已喜山川存勝槩
可無孫子守遺封雲開入望虹光翦夜午衝霄劍氣雄

只怪一江遠咫尺時上興感夕陽中

挽袁忠徹少卿

消遙又喜入蓬瀛使我相知淚若傾北關每懷聯珮入
西湖終負看花行鸞輪夜午虹光燦宰木秋高劍氣橫
彤管豈容無列傳昭上忠赤見平生

寄餘姚致仕柴參政

一生無媿著朝簪楚上聲華藹士林久別不堪經十載
新詩遙寄直千金閑看秋水扶筇立靜愛青山拄笏吟
身退此心猶戀闕都緣難報 聖恩深

戊寅夏久旱得宋龜山楊公所創湘湖以濟

不假天瓢拯旱災滔上竟日自湖來旄旆隨處歡聲洽
禾黍從今生意回力挽凶荒為稔歲功資社稷豈凡材
九鄉總被龜山澤有廟堪嗟翳草萊

寄新昌章副使

青雲得路正蜚英萬里歸來一棹輕報國尚存心耿上
辭官無奈鬢星上功成盛世全清望經濟岩廊失老成
雲樹相望纔咫尺何由重得叙平生

寄新昌呂教授

黷宮勇徹廣文韞不道辭榮二十年啣蘂食冰甘晚節
懷瑜匿瑾邁前賢尋真雲外登天姥種木春深入綵煙

乘興有時能過我掃門專候剡溪船

寄陳祭酒汝同

芹泮摳趨記昔年青燈夜雨伴寒瓊弟兄進上誰能似
詩禮誥上自有傳步玉登金名素重食冰噉藥操逾堅
有懷胥晤日殊切老矣何由到日邊

立春

土牛鞭罷喜春回頓覺陽和溢九垓徑僻泥融無雪沍
花香風軟有梅開辛盤旋簇青上菜壽酒新筍灑上杯
感激昇平際今日萬年遙祝望蓬萊

歲暮書懷

星移物換歲云周轉覺紛上雪滿頭秋稅供輸誇已給
春耕錢罇喜將修 九重聖主恩殊洽四海疲民病欲
瘳憂國憂家男子事此心雖老不曾休

歲暮得章侍郎綸書

縮地無由叙舊盟相思徒覺髮星上罹災莫致扶持力
感舊多勞夢寐情載道文章殊渾噩於時言議更鏗錫
定知公論歸孤筆竹帛難磨萬古名

戊寅除夕

孫曾繞膝任誼譚寶篆香清燭有花已喜明朝是新歲
還宜今夕慶全家辛盤簇上嘗生菜蠟甕溶上醉紫霞

惟感昇平無以報不嗟髮白老年華

已卯元日

頌徹椒花酒滿斟閑居佳致又從今承歡賸喜諸孫統
獻歲多勞好客臨傲雪窗前梅燦燦凌雲墻外竹森森
白頭無限田園樂難報天家雨露深

二月十五日雨中獨坐

九十春光已半過不堪行樂尚蹉跎好山入望青猶淺
芳草緣堤茁未多濁酒蕩來聊自遣新詩吟就向誰歌
先塋汛掃清明近屐短泥深可奈何

過樂丘

一棹平湖拂曙行深春時節近清明輕寒輕暖風微度
非霧非煙雨半晴旭日曛々升宰木祥雲燁々護佳城
不須杖策徐々步直拄中峯最上層

清明汛掃先塋回自西山

屈指歸來自玉京十年今日又清明不辭策杖尋先隴
還許尋僧說舊盟露浥夫桃紅點々風搖新柳碧盈盈
緣山徐步東風裏誰識間中此段情

間居自述

蕭々白髮滿頭顛只喜今吾即故吾素志豈渝冰蘂操
青氈惟理聖賢書閑情屋底山長對生意堦前草不除

翹首金門霄漢表歸來又是十年餘

病中五月六日

老來一病苦纏綿煮藥香中輾轉眠蠶婦晴窓收繭日
耕夫南畝插秧天問安好客羅庭下取藥諸孫統膝前
不是參耆無速効都緣未熟養生篇

病起五月八日

勿藥茲辰病始瘳凝神默坐小窓幽已驚上箔蠶俱熟
更喜登場麥又收二豎膏肓嬰窳逐百年桑梓遂優游
填門賓客紛來往只媿迎將禮未周

赤髯圖

虹光燁二興翻二萬頃平湖發画船簫鼓自非塵世客
風流真是玉堂仙山高月小秋清候賦就杯深夜午天
沉醉蓬牖方枕藉夢回玄鶴下踰躑

哭畢通政

時思同應列朝紳肝膽相孚五十春金闕聯床頻待
漏銀臺隔屋又為隣冰霜持已流芳久冠冕歸田溼
寵新聞訃茲辰嗟我病不勝嗚咽倍傷神

六月三日舊疾又舉

南薰拂上逗窓紗睡思朦上覺眼花不是閑居病仍發
都緣殘喘老將加扶藜強步歡迎客歌枕微談嬾啜茶

滿案參苓總良劑何如先煉自丹砂

六月四日病起戲筆

日上紗窗漸有輝衣冠衝曉出書闈閱耕不覺精神倦
近客還知氣力微晴愛槐陰鋪石徑早憂湖水落苔磯
病纔脫體仍康健却詫如吾老者稀

補題遊興濟伯揚公東郭草亭在北京東城

之外

聯轡郊居賞勝來雨香雲淡絕纖埃鶯聲入座縈歌調
花氣薰人近酒杯假醉未容眠翠石尋詩還許步蒼苔
何殊洛下耆英會有約明年我更陪

南京禮部侍郎章君綸聯瑞堂

燁上禎嘉世所奇駢臻文運正當時荷生聯葉開草葉
葵傲清霜吐舊枝異態凌波真絕品丹心向日豈凡姿
容臺爭覩猶星鳳願得移栽近玉墀

晚步

一逕迢上引興長過橋還擬踏橫塘山頭落日川光暝
溪上風迴水氣涼短策徐上耽月色練衣拂上染荷香
閑中信有閑中趣吟得新詩足錦囊

哭陳祭酒

文星昨夜殞南陸一代儒宗更有誰禮義率人殊蹇諤

文章名世撻瑰奇每懷閱卷同春院尤憶休官共玉墀
老淚懸河無處洒不知何日舉靈輜

六月十五日夜坐

浴罷蘭湯對晚風繩床高據思忡忡
兒孫學謏愚還嬾市井言訛西又東
漸入清宵方看月忽聞蕭寺又鳴鍾
絺衣紈扇涼如許幸覺孤吟興頗濃

盛暑中北牕睡起

閑居高卧北牕涼覺後誰知亦有忙
小圃之蔬催僕種薄田無雨怕天荒
梧桐庭下秋來近臺閣天邊夢去長
無限湖山長入望幾時容我恣徜徉

七月一日立秋

迢迢碧漢火西流不覺人間又早秋
金井碧梧驚漸老山田黃穀喜新收
乾坤氣肅炎氛淨枕簟涼生睡思稠
節候以時寒暑正人生一任雲盈頭

七月十一日喜雨

不雨江鄉兩月多時臨處暑忽霽霏
山林色轉高低樹原隰香回早晚禾
萬國均沾滋溉力三農齊唱太平歌
端由聖德通天地挽却凶荒作泰和

十一月十一日恭遇 萬壽聖節

海宇清寧邁古今有生均荷 聖恩深
一陽屆候逢

佳節萬國騰懽藹禁林民物春涵夷夏泱豚魚信及冕
神欽老臣無補安休致只效嵩呼罄此心

憶吏部尚書東阿師公

老淚臨風不盡揮都緣知己似公稀官陞要秩殊勞薦
寒禦嚴冬更解衣每賦招魂情頗切不堪酌德志全違
東阿原上墳千古極目寒雲幾夕暉

江山曉霽圖

曙色熹微宿雨收風光如画愜吟眸琳宮蓮宇東西崦
酒屋漁家遠近洲泛泛落花溪洞窈窕茸茸芳草石林幽
乘閒便欲携琴鶴布韞青鞋汗漫遊

大雪夜坐

稜々寒氣逼虛堂楫拙煨紅夜未央紙帳光涵燒燭焰
竹爐烟裊煮茶香梅譜獻歲開堪折酒解迎春熟可嘗
老我明當看霽色杖藜桑梓試康強

雪中夜坐

娉婷萬舞下群仙老我寒爐火正燃一白混涵天上下
千門光闔月嬋娟不誇豪飲歡無極只喜農歌慶有年
須念無儲甌石者疲民終日竈無煙

已卯歲闌祀事有成感而賦此

年々蘋藻肅家規盛服齋明敢後期香溢踈梅春到日

寒深殘雪歲闌時
殷勤寸草攄丹悃
盼饗高堂挹令儀
老稚方慚無補報
慶成尤感錫繁禧

雪夜憶往年出使之况

漫天風雪苦紛紛
持節邊城幾斷魂
失道不堪臨絕澗
回鞭方詫得孤村
三更窺客狼堪畏
萬里衝寒馬正奔
何似老歸林屋下
紅爐榾柮坐黃昏

己卯除夕

兒孫繞膝玉聯蟬
絳燭高烧侍綺筵
醉挹霞觴浮歛灑
懽承綵服舞蹁躑
銅龍漏轉春回候
金鴨香濃夜午天
須整朝衣瞻北闕
高呼明日頌堯年

第九卷

